

Broj: 06-11-182/2026-R-12-8
Sarajevo, 20.04.2026. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog stalne Komisije za provođenje postupaka javnih nabavki roba, usluga i radova, imenovane Rješenjem, broj: 08-30-184/2026 od 27.01.2026. godine, sekretar Vlade Federacije Bosne i Hercegovine, d o n o s i

O D L U K U
O PONIŠTENJU POSTUPKA JAVNE NABAVKE ROBA – NABAVKA KOMPJUTERSKE
OPREME ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

Poništava se postupak javne nabavke roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-182/2026-R-12-1, broj Obavještenja o nabavci sa portala javnih nabavki: 854-7-1-30-3-11/26 od 11.03.2026. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 20/26, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-182/2026-R-12 od 05.03.2026. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 22.800,00 KM bez PDV-a.

Obavijest o nabavci, broj: 854-7-1-30-3-11/26 poslana je na objavu 11.03.2026. godine, te je istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 20/26.

Tendersku dokumentaciju preuzelo je 26 (dvadesetšest) privrednih subjekata, a 18 (osamnaest) privrednih subjekata preuzelo je izmjenu Tenderske dokumentacije. 3 (tri) ponuđača dostavila su ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: „INTER-COM“ d.o.o. Zenica, PRINTEX d.o.o. i SYSTEM ONE d.o.o. Sarajevo.

Stalna Komisija za provođenje postupaka javnih nabavki roba, usluga i radova, imenovana Rješenjem, broj: 08-30-184/2026 od 27.01.2026. godine, izvršila je pregled i ocjenu pristiglih ponuda, te konstatovala da nijedna od primljenih ponuda nije prihvatljiva.

Ponuda ponuđača „INTER-COM“ d.o.o. Zenica, sa registriranim sjedištem u Zenici, ID broj: 4218087760006, ocijenjena je neprihvatljivom iz sljedećih razloga:

-U Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA) u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je, između ostalog, „1xAudio combo jack 3.5mm“.

Pregledom dostavljene detaljne tehničke dokumentacije ponuđenog računara MSGW i zvanične web stranice proizvođača ponuđene matične ploče *ASUS PRIME H6100M-R-SI* utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom iz Tenderske dokumentacije.

-U Aneksu 3 - OBRAZAC ZA CIJENU PONUDE - ROBE (KOMPJUTERSKA OPREMA) u tabelarnom prikazu pod rednim brojem 2. LAPTOP, u rubrici Tehnička specifikacija, alineja 2, traženo je: „- Memorija: minimalno 16GB LPDDR5X“.

Pregledom Ponude utvrđeno je da je na stranici 44. Ponude ponuđen laptop Lenovo Yoga 9 14IRP8 i ponuđena je memorija 16GB LPDDR5, što nije u skladu sa Tehničkom specifikacijom iz Tenderske dokumentacije.

-U Aneksu 3 - OBRAZAC ZA CIJENU PONUDE - ROBE (KOMPJUTERSKA OPREMA) u tabelarnom prikazu pod rednim brojem 2. LAPTOP, u rubrici Tehnička specifikacija, alineja 5, traženo je, između ostalog, „WiFi 7, Bluetooth 5.4“.

Pregledom zvanične web stranice proizvođača Lenovo, utvrđeno je da ponuđeni laptop ne podržava WiFi 7 i Bluetooth 5.4, što nije u skladu sa Tehničkom specifikacijom iz Tenderske dokumentacije.

-U Aneksu 3 - OBRAZAC ZA CIJENU PONUDE - ROBE (KOMPJUTERSKA OPREMA) u tabelarnom prikazu pod rednim brojem 2. LAPTOP, u rubrici Tehnička specifikacija, alineja 9, traženo je: „- Torba: OEM Leather Sleeve“.

Pregledom detaljne Tehničke specifikacije na str. 44. i 45. Ponude utvrđeno je da Ponuđač nije ponudio torbu, što nije u skladu sa Tehničkom specifikacijom iz Tenderske dokumentacije.

Također, Ponuđač je u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA), u tabelarnom prikazu pod rednim brojem 2. LAPTOP, u koloni „Naziv proizvođača“ unio „HP“, dok je na str. 44. i 45. Ponude dostavio detaljnu Tehničku specifikaciju za laptop proizvođača „Lenovo“.

Ponuda ponuđača PRINTEX d.o.o., sa registriranim sjedištem u Sarajevu, ID broj: 4200597450005, ocijenjena je neprihvatljivom iz sljedećeg razloga:

-U Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA) u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je, između ostalog, „1xAudio combo jack 3.5mm“.

Pregledom dostavljene detaljne Tehničke dokumentacije ponuđenog računara PRINTEX PC i zvanične web stranice proizvođača ponuđene matične ploče *ASUS PRIME H610M-R*, utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom iz Tenderske dokumentacije.

Ponuda ponuđača SYSTEM ONE d.o.o. Sarajevo, sa registriranim sjedištem u Sarajevu, ID broj: 4201339960003, ocijenjena je neprihvatljivom iz sljedećeg razloga:

-U Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA), Napomene, redni broj 6. navedeno je „Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba.“

Pregledom Ponude utvrđeno je da je Ponuđač dostavio Tehničku dokumentaciju (stranice 11. 12. i 13. Ponude) iz koje nije moguće potvrditi proizvođača i model matične ploče, te utvrditi da li ponuđeni računar odgovara traženim specifikacijama.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-182/2026-R-12-7 od 17.04.2026. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE
[Signature]
dr. sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove